



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1842**

XLVII. Die von Möllendorf verkaufen dem Bischofe Johann von Havelberg  
ihren Anteil an Wilsnack, im Jahre 1387.

---

---

**Nutzungsbedingungen**

[urn:nbn:de:hbz:466:1-54306](#)

**XLVI.** Marquard und Henning Man verkaufen dem Bischofe Johann von Havelberg eine jährliche Rente aus Großen Welle, im Jahre 1387.

In godes namen amen. Vor allen dengenen, de dessen breff sen vnde horen lezen, Bekenne wy Marquard, Ritger mans sone, vnde henning, henning mans sone, vedderen geheiten man, yn dessem vnsem breue, dat de Erwerdige here, vnde vader in gode, her Johan van godes guaden bisschopp to haelberge, vns vul vnde al in redeme gelde betalet heft vnde bereidet Virtich mark brandenborgisch fuluers vor de ses mark Jarlike rennen, de vns vedder diderick man, in vortiden bisschopp tu haelberge, tugede vnde koste to vnsem behuff in der bede to groten welle van den Redieftorpen. To tuge so hebbe wy mit rechter witscop vns Jngezegele an dessen brieff laten hengen, de gegeuen is na godes bort XIII<sup>c</sup>. Jar darna in deme LXXXVII. Jare, in funte Johannis dage, de kumpt in den hilgen dagen to winachten.

Nach dem Havelberger Copialbuche des K. Geh. Kab. Archives fol. 52.

**XLVII.** Die von Möllendorf verkaufen dem Bischofe Johann von Havelberg ihren Anteil an Wilsnack, im Jahre 1387.

Vor allen dengennen, de dessen brieff seen vnde horen lesen, Bekennen wy henning, Clawes vnde Gereke, brudere geheiten Mollendorpe, vnde betugen openbar yn desseme vnsem breue vor vns vnde vns Eruen, de nu fint vnde noch tokomende fint, dat wy rechte vnde redeliken hebben uorkost deme Erwerdigen hern vnd vadere Jn gode, hern Johann bisschoppe to haelberge vnde synen godeshuse, al vns gud vnde rechticheit, wes wy hadde in den dorpe to der wilsnack, vor vestich mark brandeborgesches fuluers, de he henninge, vnsem brudere vorgenant, van vnsfer aller wegen an reden lubeschen penningen nach were, als to perleberge eyn were was, bereidet vnde betalet heft, vnd vorsaken in dessem vnsem breue aller ansprake vnde hulperede, de wy edder vns eruen to deme gute don edder hebben mochten nu edder hir namals, de vns edder vns eruen hulpelik syn mochten yengerleye wys; vnd scolen vnde willen deme Egenanten Johann bisschoppen to haelberge vnde symme gadeshuse des godes vnde des kopes eyn recht were syn vor alle degene, de nor recht kamen willen. To eyner grotern bekannisse desser dinge hebbe wy vnsir aller Jngefegele mit rechtir witscop hengen laten an dessen brieff, de gegeuen is to der plattenborch na godes bord drutteinundert Jar darna Jn deme Seuen vnde achtentichsten Jare, des neigesten vridages uor fente marie magdalene dage. Darouer fint gewesen tuge de erliken vnde duchtigen lude hinrik grambow prouest to wistok, Otto ror official to haelberge, Johann mollendorp canonice to haelberge, Mathias sterneberch perrer to der wilsnack, pristere, Cone van quitzow, Coneke ror, frederik paris vnde hans dalchow knechte vnde vele mer guder lude, den wol to louende is.

Nach dem Havelberger Copialbuche des K. Geh. Kab. Archives Bl. 51.